

# Kolosi

## Pol Kolosi nibi bi kalip köp kali ktiñ rika

**1** <sup>1-2</sup>Yad Pol. God nipe ke yip hag lö, Krajs Jisas manö ud arep bi ap midpin. Pen miñi mam hon Dimodi yad aip midö niñöl gi, kalöp Krajs Jisas nip niñ udmim cig aij gimim añ mam daun kub Kolosi midpim gau, köp anibi kali ktiñ rikabin.

God Bapi hon kalöp mög niñöm ud aij gö, mid aij gimim.

### Pol Krajs nibi bi Kolosi gau sabe göm, God nip aij a ga

<sup>3-4</sup>Haglö niñbun, kale Krajs Jisas niñ udmim cig aij gimim, nibi bi nip niñ udpal gau kalip magöñhalö midmagö libim. Anib u, sabe gun, kalöp gasi niñjun, pör nöp God Bi Kub hon Jisas Krajs Nap nipe u nip aij a gipun.<sup>a</sup> <sup>5</sup>Ram minöñ kumi kabö adö lañ au aramun nan aij udnabun a gi gasi niñbim u me, kale Krajs Jisas nip cig aij gimim, nibi bi nipe gau midmagö libim. Manö niñö, Krajs manö aij u, nöd auö, nan aij kalöp kumi kabö adö lañ au midöp u hadö niñbe.<sup>b</sup>

<sup>6</sup>Nöd api Krajs manö aij u niñmim, God nibi bi gau mög niñöm ud aij göp manö yuö yabiñ u niñmim, kale ke halö niñ udpim ñin u rikö, Krajs manö aij u kalöp añ dañ magö pilöm kub ranöm arab rö u, anib unbö rö nöp me, ram minöñ gau gau kid kid magöñhalö gau, Krajs manö aij u aramöm nibi bi añ kale dañ magö pilöm kub ranöm arab.

<sup>7</sup>Epapras, hon aip nagi wög göm, Krajs nip wög pör gi aij göp u, kalöp nöd api Krajs manö aij u hag ña. Anig ga u, hanip gi ña. <sup>8</sup>Epapras aui apöm, Ana kalöp añ dañ midö niñöl gi, nibi bi gau midmagö libim u, hanip hag ña.<sup>c</sup>

<sup>9</sup>Anib u, Epapras nipe nöd api hanip manö hag ñö niñno ñin u rikö, kalöp nan a gun God nip pör nöp sabe gipun. God nip sabe gun hagabun,

<sup>a</sup> 1:3-4 Ep 1:15,16   <sup>b</sup> 1:5-6 Ep 1:13; 1Pi 1:4   <sup>c</sup> 1:7-8 Kol 4:12; Plm 23

nip aij ginim adö u nöp, Ana nipe kalöp gasi ñö kale gasi niñ kid hiikmim nan nihön God nip aij ginab u niñ aij gimim, a gabun.<sup>d</sup> <sup>10</sup>Anib u, Bi Kub nibi bi nipe yabił rö gi midmim, nip aij ginab adö u nöp gipe arnim. Anig gimim, nan aij ke ke iru nöp gi dammim, God nipe aigale bi rö midöp u niñ aij yabił ginabim. Anig gipe, nan magö iru nöp pılnab. <sup>11</sup>God nipe Bi klö unbö ke yabił mailö halö midöp u, nipe klö nipe magöñhalö kalöp ñö, kale pidöñ nipe udmim, marö rimnap auö gasi anibu niñagmim, gasi halö midmim, miñ miñ göl gi,<sup>e</sup> <sup>12</sup>Bapi nip aij a göl gi midaimim. Krai nibi bi nipe ram minöñ pör mailö gimidöp au nan aij udnaböl u, Bapi nipe kalöp gö, kale u rö nöp nan aij anibu udnabim.<sup>f</sup> <sup>13</sup>Seden, bi sibön böñ gau abad midöp u, hanip nagi adik pidöñ limidöp u pen God nipe hanip hubik yuö, miñi Ñi midmagö nipe hanip ud aij göm abad midöp.<sup>g</sup> <sup>14</sup>Ñi nipe nöp hanip nan a göm umöm, nagi midaino u hubik yua; nipe nan si nan najj gıpun gau niñöm arö ga.<sup>h</sup>

### Krais nan gau magöñhalö abad midöp

<sup>15</sup>Nap God nip waiö niñun rö lagöp u pen Ñi nipe me Nap rö midöp. Nibi bi nan gau gi laga ñin u, Ñi Nap aip mideia. Nibi bi nan gau magöñhalö yagol rö midöp; Krai nipe adö lañol midöp.<sup>i</sup> <sup>16</sup>Nan kumi kabö adö lañ gau abe, nan minöñ naböñ it i abe, nan amgö niñbun gau abe, nan amgö niñagpun gau abe, ana nan gau abad midpal gau abe, magöñhalö nipe nöp gi la. Gi la u, Krai hib nipe haglö adö arnim a göm gi la. <sup>17</sup>Ram minöñ hadame dagol gau gi laga ñin u, Krai mideia. Nipe midöp u me, nan gau magöñhalö ka ke u midöm jim ñöl midöp.<sup>j</sup> <sup>18</sup>Krais nipe nabic magö rö midöp; nibi bi nipe gau, cöc u, hañ romañ nipe midöp. Nipe gö cöc hañ romañ kamiñ midöp. Nipe it göm umöm kauyañ uraka u me, nan nihön nihön midöp gau yagol rö midöp; nipe nöp adö lañol midöp.<sup>k</sup> <sup>19</sup>God gasi nipe ke niñöm gö, God nipe midöp rö nöp, Krai anib unbö rö nöp midöp.<sup>l</sup> <sup>20</sup>Anib u, nan nihön nihön minöñ naböñ it i midöp abe, ram minöñ kumi kabö adö lañ au midöp abe, nan gau magöñhalö God aip jim ñinim rö löp. Nöd nan gau God nip kauat mauat rö midmidöp. Pen Ñi nipe, Nap nipe ke midöp rö nöp midöm, mab kros ba lañ hagape lugö umö, uri nan gau magöñhalö God aip jim ñinim rö löp.<sup>m</sup>

<sup>21</sup>Kale nöd nan si nan najj gasi niñöl gi, anib unbö rö nöp göl gi midmim, God nibi bi al niñeb nipe midmim, miłö gau rö midmidim.<sup>n</sup> <sup>22</sup>Miñi pen Ñi nipe hañ romañ löm uma rö, kalöp ud nipe ke aip jim ñöl lö, ram minöñ nipe kumi kabö adö lañ au arammim, God amgö

<sup>d</sup> 1:9 Ep 1:16,17   <sup>e</sup> 1:11 Ep 1:19; 3:16   <sup>f</sup> 1:12 Ep 1:11,18   <sup>g</sup> 1:13 Luk 22:53; Ep 2:2

<sup>h</sup> 1:14 Ep 1:7   <sup>i</sup> 1:15 2Ko 4:4; Jon 1:18   <sup>j</sup> 1:17 Jon 1:1; 8:58   <sup>k</sup> 1:18 Ep 1:22-23; Ap 26:23; Rep 1:5   <sup>l</sup> 1:19 Kol 2:9   <sup>m</sup> 1:20 Ep 1:10; 2:16   <sup>n</sup> 1:21 Ro 5:10; Ep 2:12

ilö nipe au nibi bi ut, nibi bi asiŋ midagöp, nibi bi manö ap midagöp, mideinabim.<sup>o</sup> <sup>23</sup>Pen kale Kraiŋ manö aij niŋ udpim u, ram padö rö niŋ udöl gi midmim, God nan aij kalöp ñinab u gasi midmagö kale aŋ daŋ pidöŋ limim gasi niŋöl gi midaimim. Manö aij kalöp haglö niŋbim anibu, kalöp nöŋ wasö, nibi bi ram minöŋ gau kid kid magöŋhalö hag ñilö ara. Yad Pol u rö nöŋ wög adö anibu nöŋ gipin.

### Pol Kraiŋ nip wög geia

<sup>24</sup>Kalöp nan a gem Kraiŋ manö aij hag ñinö yip gi naij gilö marö udnö u, miñi yad miñ miñ gipin. Kraiŋ nipe ke marö kub yabił uda u rö, Kraiŋ nibi bi marö kub yabił udöl a gem, Kraiŋ hañ romaŋ nipe u, cöc nipe u, gi ñinam a gem, hañ romaŋ yad marö rimnap udpin.

<sup>25</sup>God yip hag lö, kalöp God Manö u magöŋhalö hag ñi aij gimidin u me, cöc nipe u nip wög gi ñeb bi ap midpin.<sup>p</sup> <sup>26</sup>Manö aij anibu hadame gau mi iru yabił pi göl midmidöp pen miñi God nipe Kraiŋ nibi bi nipe kalip manö anibu waiö la.<sup>q</sup> <sup>27</sup>God gasi niŋöm manö hag la u, manö aij yabił, manö mailö halö pi göl midmidöp u, nibi bi gau magöŋhalö niŋöl a göm, nibi bi nipe kalip waiö yamnab. Manö aij anibu ił u aniŋ göl midöp: Kraiŋ midmagö kale aŋ daŋ midöp; anib u kale ram minöŋ kumi kabö adö laŋ au arammim, God mailö ke halö au midöp aip pör mideinabim. <sup>28</sup>Anib u, hon Kraiŋ nöŋ hag ñibun. Kale magöŋhalö Kraiŋ nip ciŋ aij göl gi, manö nipe niŋ aij göm, hagöp rö nöŋ göl gi mideinaböl a gun, gasi niŋ aij gun nibi bi gau kalip magöŋhalö rimid ukun, Kraiŋ manö aij u hag ñimidun. <sup>29</sup>Adö anibu nöŋ, Kraiŋ klö naij nipe ke magöŋhalö yip ñöb u udem, klö gem wög nipe göl gi midpin.<sup>r</sup>

### Kalöp manö piral hagöl u, udagmim

**2** <sup>1</sup>Pen niŋim! Kale Kolosi nibi bi gau abe, Leodisia nibi bi gau abe, nibi bi rimnap halö mulu adiŋ yad niŋagpal gau abe, mid aij gimim a gem, wög klö yabił gabin. <sup>2</sup>Kale gasi halö midöm, gasi aŋi ap nöŋ niŋöm, pen pen midmagö löm, gasi niŋ kid hiiköm, God Manö pi göl midmidöp u magöŋhalö niŋ aij göl, a gi gasi niŋbin. God Manö pi göl midmidöp u Kraiŋ. <sup>3</sup>Kraiŋ nip aŋ daŋ nöŋ God gasi aij aij magöŋhalö pi göl midöp u me, nipe ke nöŋ God gasi aij anibu waiö linim rö löp.<sup>s</sup>

<sup>4</sup>Nibi bi rimnap pir alöm, manö kliñ aij rimnap haglö niŋöl gi, manö piral kale anibu niŋ udmim rö löp a gem, kalöp manö anibi hag ñi aij gabin.<sup>t</sup> <sup>5</sup>Yad ram minöŋ milö aui midpin u pen gasi yad u kalöp lau adö midö niŋöl gi, kalöp gasi niŋöl gi midpin. Pen kale Kraiŋ nip niŋ ud pidöŋ gimim, agamij midmim, jim ñöl midpim u, yip aij yabił göp.<sup>u</sup>

<sup>o</sup> 1:22 Ep 2:14-16; 5:27   <sup>p</sup> 1:25 Ep 3:2,7-8   <sup>q</sup> 1:26 Ro 16:25-26; Ep 3:5,9   <sup>r</sup> 1:29 Ep 3:7,20; Plp 4:13   <sup>s</sup> 2:3 1Ko 1:24,30   <sup>t</sup> 2:4 Ro 16:18   <sup>u</sup> 2:5 1Ko 5:3

### Krais aip midun nipe hagöp rö nöp gun

<sup>6</sup>Kale Jisas Krais nip niņ udmim, Bi Kub hon a gimim udpim u me, adö anibu nöp niņmim gipe arnim. <sup>7</sup>Krais nip cig aij gimim, manö niņö nipe hag ñilö niņbe u niņ ud pidöņ gimim, hagöp rö nöp gimim, God nip aij a göl gi nöp midaimim.<sup>v</sup>

<sup>8</sup>Pen niņ aij gimim. Nibi bi rimnap kalöp manö yihariņ manö piral haglö, kale manö piral anibu udmim kid kale gau ammim rö löp. Manö yihariņ manö piral hagpal u, bac bi aiud kale abe, ana naj nan gau minöņ naböņ it i abad midpal gau aiud abe udöm hagpal. Krais manö aij u udöm hagagpal. <sup>9</sup>Nihön ginig: Krais hañ romaņ halö midöp u pen God midöp rö u, Krais nipe anib unbö rö nöp midöp.<sup>w</sup> <sup>10</sup>God nipe gö, kale Krais nip cig gimim, nip aip jim ñöl midmim, kamiņ yabił midpim. Nipe nöp me, ana naj nan gau minöņ naböņ it i abad midpal gau magöņhalö adö lagod midöp.<sup>x</sup>

<sup>11</sup>Kale Krais aip jim ñöl midpim u me, kale hadö Juda nibi bi hañ rib gi dö gipal rö u midpim. Juda nibi bi gau ru pi ñimagö udöm hañ rib gi dö gipal, pen Krais aip jim ñöl midpim u me, nipe nan si nan naj gimidim nagi u rib gi dö göp.<sup>y</sup> <sup>12</sup>Kalöp ñig pakla u, kalöp Krais aip rigöl gila; kale God klö nipe Jisas ud urak ña u niņ udpe u me, God kalöp Krais aip ud urak ñö, nibi bi kamiņ gisön nibö nipe midpim.<sup>z</sup>

<sup>13</sup>Kale nöd nan si nan naj adö u nöp gimidim, Krais nipe nan si nan naj gimidim nagi u rib gi dö gaga ñin u, kale nibi bi hadö umbal rö midaibe. Pen God nipe ke gö, uri kale Krais aip kamiņ midpim. God nan si nan naj gino u magöņhalö niņöm arö ga.<sup>a</sup> <sup>14</sup>Nan si nan naj gino u, köp aņ yaņ kali kliñ riköm, lo manö ke ke pen ñeb manö u halö kali kliñ rikla u, God köp anibu ud mab kros ba laņ cipit pak lö, böņ nöp pis ga.<sup>b</sup> <sup>15</sup>Mab kros ba laņ Krais nipe ana naj nan gau minöņ naböņ it i abad midpal gau mo nipe gau löm, nibi bi gau niņ midlö niņöl gi, kalip nagi adiköm ud itip gi ud ara.

<sup>16</sup>Anig ga rö, kale nan magö rimnap gau ñig rimnap gau niņbe, nibi bi rimnap kalöp hag pro gaiöl, gasi iru niņagmim. Miñi God nip sabe gep ñin kub a göm asi masi ginaböl u hain gagpe, kalöp hag pro gaiöl, gasi iru niņagmim. Miñi rakin gisön auöp ñin kub a göm asi masi ginaböl u hain gagpe, kalöp hag pro gaiöl, gasi iru niņagmim. Miñi Juda God nip sabe gep ñin kub a göm asi masi ginaböl u hain gagpe, kalöp hag pro gaiöl, gasi iru niņagmim.<sup>c</sup> <sup>17</sup>Krais auaga ñin u, nan anib gau ana rö niņöm gimidal; pen nan yabił u Krais.<sup>d</sup>

<sup>18</sup>Anib u, nibi bi rimnap apöm, manö milö hagöm, naböņ niņbun rö, kale anig anig gimim, aka nibi bi ramö rö midmim, aka ejol gau sabe

<sup>v</sup> 2:7 Ep 3:17   <sup>w</sup> 2:9 Jon 1:14,16   <sup>x</sup> 2:10 Ep 1:21-22   <sup>y</sup> 2:11 Ro 2:29   <sup>z</sup> 2:12 Ro 6:4

<sup>a</sup> 2:13 Ep 2:1,4-5   <sup>b</sup> 2:14 Ep 2:14-16; 1Pi 2:24   <sup>c</sup> 2:16 Ro 14:1-12   <sup>d</sup> 2:17 Hib 8:5

gimim, a gaiöl u, manö kale udmim, God nan aij kalöp ñinab nan u arö gagmim. Nibi bi anib gau, Kraiss manö aij u niñagpal; gasi kale ke nöp niñöm, gasi piral gau nibö gau nibö udöm, hon nibi bi kub a göm, aiud yihariñ milö yabiñ udaböl. <sup>19</sup>Nibi bi anib gau, Kraiss nip arö göm adö anibu arbal. Pen Kraiss nipe nabic magö midöm, hañ romañ nipe u, magöñhalö kidit goñ rö jim ñöl löm, nan aij ñöm, abad mid aij gö niñöl gi, God nip aij ginim rö u, hañ romañ kub gö gö arab.<sup>e</sup>

<sup>20</sup>Kraiss cig gipim u me, nip aip umbe, ana naj nan gau minöñ naböñ it i abad midpal gau mo kale gau midagpim; kalöp nan ap ginig klö ap midagöp. Anib u, nihön ginig nibi bi gau gasi niñbal rö gasi niñbim? <sup>21</sup>“Nan u ñimagö udagmim! Nan u niñagmim! Nan u ud niñagmim,” a gipal,<sup>f</sup> <sup>22</sup>pen nan magö ñig nan haggpal nan gau magöñhalö niñlö pis ginab. Manö kliñ aij hag ñibal gau magöñhalö nibi bi gasi ke niñöm haggpal adö u nöp niñöm hag ñibal.<sup>g</sup>

<sup>23</sup>Nibi bi anib gau, ejol abe sabe gun a göm, nibi bi mög gep rö midno aij ginab a göm, nan asi masi göm, bislam midpal. Anig gilö, nibi bi rimnap niñlö, manö niñö rö linab u pen nan si nan naj gep gasi u auö, nan piral gau nöp gasi niñöm, Kraiss nip cig midagpal rö, nan ap klö ñö, hañ romañ ke gasi göp u arö göl rö lagöp.

### God hanip gö, Kraiss aip urakno

**3** <sup>1-2</sup>Pen kale Kraiss aip urakmim kamiñ gisön nibö midpim u, minöñ naböñ adö it i nan gau gasi u niñagmim. Gasi kub kale u arnim nan ram minöñ kumi kabö adö lañ midöp gau. Kraiss nipe uraköm adö lañ au aramöm, God ñimagö yijig böñ lau asik midöp.<sup>h</sup> <sup>3</sup>Kale Kraiss aip umbe u me, kamiñ midep magö kale u God Kraiss kalip apil mihau aip pi göl midöp. <sup>4</sup>Kamiñ midep magö kale it u Kraiss. Hainö nipe aunab ñin u, amun nipe aip mailö unbö ke halö mid aij ginabun.

### Nöd midmidim u ke, uri midpim u ke

<sup>5</sup>Anib u, nan nihön hañ romañ gasi göp u al pak limim. Nibi si bi si gimim, gasi naj niñmim, hañwañö gimim, nan si nan naj nöp gun a gimim, uñpö kiño kibap gol mani nan gau iru nöp udun a gimim gipe aragnim. Uñpö kiño kibap gol mani nan gau iru nöp udun a gi gasi niñbal nibi bi gau, kale nibi bi nan piral sabe gipal rö nöp midpal.<sup>i</sup> <sup>6</sup>Adö anib gau nöp gilö, God kalip kal juö, ilön kub yabiñ udnaböl. <sup>7</sup>Kale ke nöd nagí naj adö anibu nöp gasi niñmim, anib unbö rö nöp gimidim. <sup>8</sup>Pen miñi nagí naj adö u böñ nöp arö gimim. Nöd mulu kal niñmim, kal yabiñ jumim, gasi naj niñmim, nibi bi gau kalip hag pro gimim, urañañ haggmim

<sup>e</sup> 2:19 Ep 2:21; 4:16    <sup>f</sup> 2:20-21 Gal 4:3,9; 1Di 4:3    <sup>g</sup> 2:22 Mad 15:9    <sup>h</sup> 3:1-2 Mad 6:33; Mak 12:36; 16:19; Ep 1:20    <sup>i</sup> 3:5-6 Ro 6:6,11; Ep 4:19; 5:3-6

gimidim rö, miñi gaggim.<sup>j</sup> <sup>9</sup>Manö piral haggim, pen hagö pen hagö gimidim u, u rö nöp haggim. Krais aip umbe u me, gi naij gimidim nagi u kalöp wahj rö wam wam ga u, hibur gasi midmagö nöd nibö kale u, ud asik ke gau yubim.<sup>k</sup> <sup>10</sup>Hibur gasi midmagö nöd nibö kale u ud asik yumim, hibur gasi midmagö hain nibö kale u, wahj rö rol libim. Nibi bi gisön nibö midmim, God kalöp gi la u pör nöp gö, kale nipe ke midöp rö nöp limim, nip niñ aij yabiñ ginabim.<sup>l</sup> <sup>11</sup>God anig ga u me, Grik nibi bi gau ke, Juda nibi bi gau ke midagpal. Nibi bi hañ rib gi dö gipal gau ke, nibi bi hañ rib gi dö gappal gau ke midagpal. Nibi bi köp kali klin amgö li niñbal gau ke, nibi bi köp kali klin amgö li niñagpal gau ke midagpal. Nibi bi wiyap gau ke, nibi bi uböl gau ke midagpal. Nibi bi rau dam lilö nagi wög gipal gau ke, nibi bi gasi kale ke niñöm wög gipal gau ke midagpal. Nibi bi gisön nibö midpun u me, Krais nipe ke nöp hanip magöñhalö midmagö raul añ dañ midö, nan rimnap magöñhalö nan yihariñ rö löp.<sup>m</sup>

<sup>12</sup>God nibi bi nipe midpim. Nipe kalöp midmagö löm, nibi bi nipe ke hag la. Anib u, wahj rol libal rö, gi aij gep nagi u rol limim. Nibi bi gau kalip mög niñmim, ud aij gimim; hib kale ke hagpe adö aragnim; nibi bi hain aij midmim; nibi bi gau manö hain haggim kal juaggim.<sup>n</sup> <sup>13</sup>Krais nibi bi nipe rimnap kalöp gi naij gaiöl, kalip pen gi naij gaggim. Manö rimnap midainim, Bi Kub kale nan si nan naij gipe niñöm arö göp rö u, nibi bi gau kalöp gi naij gaiöl u, u rö nöp niñmim arö gimim.<sup>o</sup> <sup>14</sup>Pen kale nagi aij anibu rol gimim, höñ adö lagod au midmagö lep magö u rol gimim. Nibi bi midmagö lep magö u, nan aij gau magöñhalö wam wam ud jim ñöm lö, nan aij ap ulep gagnim.<sup>p</sup>

<sup>15</sup>God kalöp udöm hañ romanñ añi nöp jim ñöl la u, kale agamij midmim pen pen ud aij gimim a göm ga. Anib u, Krais hibur hain hain ñöb u nip hag niñmim, midmagö kalöp añ dañ hibur hain hain magö anibu lö, agamij midmim, nan nihön nip aij ginab u niñnabim. Anib u, nip aij a göl gi nöp midaimim.<sup>q</sup> <sup>16</sup>Krais manö aij u añ kalöp dañ ajmañ rauöm rö midainim niñöl gi, manö nipe u niñ aij yabiñ gimim me, pen pen hag ñi aij göl gi, God Manö adiñ Sam a gipal rimnap, God hib nipe dap raneb kimap rimnap hagöl gi, God nip aij a göl gi midaimim.<sup>r</sup> <sup>17</sup>Pen manö hagnig aka nihön nihön ginig, Bi Kub Jisas nibi bi nipe midpun a gimim, God Jisas kalip apil miñau aij a göl gi nöp gipe arnim.<sup>s</sup>

### Krais nibi bi nipe gau mid aij göl

<sup>18</sup>Kale nibi gau, kale Krais niñ udpim rö, nagamul bi manö hagöl u hain gimim.<sup>t</sup>

<sup>j</sup> 3:8 Ep 4:25-29; 5:4   <sup>k</sup> 3:9 Ep 4:22,25   <sup>l</sup> 3:10 Ep 4:24   <sup>m</sup> 3:11 Gal 3:28   <sup>n</sup> 3:12 1Pi 2:9  
<sup>o</sup> 3:13 Ep 4:2,32   <sup>p</sup> 3:14 Ro 13:8-10   <sup>q</sup> 3:15 Plp 4:7; 1Ko 12:27; Ep 4:4   <sup>r</sup> 3:16 Ep 5:19  
<sup>s</sup> 3:17 1Ko 10:31; Ep 5:20   <sup>t</sup> 3:18 Ep 5:22

<sup>19</sup>Pen kale bi gau, nibi kale gau kalip manö klö gimim hagagmim; kalip midmagö limim.<sup>u</sup>

<sup>20</sup>Kale ñi pai gau, kale Krai niñ udpim rö, name nap hagöl rö magöñhalö hain gimim. Anig geinabim God nip aij ginab.<sup>v</sup>

<sup>21</sup>Pen kale nap bi, ñi pai kale gau kalip manö klö gimim hagpe hagpe, gasi naj niñöm, mid aij gagöl rö löp u, niñ aij gimim.<sup>w</sup>

### Nibi bi nagi wög gipal gau; bi kub kale gau

<sup>22</sup>Kalöp nibi bi, bi rimnap nagi adik li daulö, kalip nagi wög gi ñimidim gau, manö rimnap hagnig gabin. Bi kub niñmidal magö u nöp niñmidlö niñöl gi wög gino, kalip aij gañ a gimim gagmim. Gasi mihöp niñagmim, Bi Kub hon kumi kabö adö lañ u niñ midöp rö, gi aij gun a gimim, aij gö niñöl gi gimim.<sup>x</sup> <sup>23</sup>Kale nan niñön niñön geinabim, nibi bi minöñ naböñ it i rimnap kalip wög gabun a gimim gagmim; Bi Kub kumi kabö adö lañ u nip wög gabun a gimim, klö gimim gasi aij niñöl gi gimim. <sup>24</sup>Wög gi ñibim u, Bi Kub Krai nip wög gi ñibim. Kale niñbim Bi Kub nipe pen ñöm kalöp nan aij ñinab. <sup>25</sup>Pen God nipe nibi bi gi naj ginaböl gau manö kub hagnig, nibi bi kub gau, nibi bi pro gau a göm, manö kub gagnab; adö añi u nöp hagöm, ilön ñinab.<sup>y</sup>

**4** <sup>1</sup>Anib u, kale bi kub rö midpim gau, Bi Kub kale kumi kabö adö lañ midöp u gasi niñöl gimim, nibi bi kalöp nagi wög gi ñibal gau kalip abad mid aij gimim, nan kalip ñeb rö u hañöwalö ñimim.<sup>z</sup>

### God nip sabe göl gi midaimim

<sup>2</sup>Kale gasi niñ aij göl gi, aij a göl gi, God nip sabe göl gi midaimim.<sup>a</sup> <sup>3</sup>Hanip u rö nöp God nip sabe göl gi midpe, God nipe adan hiikö, Krai manö aij pi göl midmidöp u nibi bi gau kalip waiö hag ñinabun. Krai manö aij u nöp hagnö, yip nagi leila midpin.<sup>b</sup> <sup>4</sup>Pen God nip sabe gipe, yip abad midö niñöl gi, manö anibu hag ñi aij ginö, nibi bi niñ aij göl. Yad unbö rö nöp ginam u aij.

<sup>5</sup>Kale pör nöp gasi niñöl gi midpe, adan hiiknim, nibi bi Krai nip niñ udagpal gau, gasi niñ aij göl gi, kalip ud aij gimim, Krai manö aij u hag ñimim.<sup>c</sup> <sup>6</sup>Maj migan kale u dö sol dö kal rö lainim. Anig gö, nibi bi manö kale niñlö, dö gö, niñ aij ginaböl. Kalöp manö niñön rö hag niñnaböl, kalip pen hag ñi aij gimim.<sup>d</sup>

### Pol Dijikas Onesimas bi miñau kalip yua

<sup>7-8</sup>Mam midmagö hon Dijikas, yad Bi Kub nip wög klö gipin rö göp u, nip yunö ñinab. Nipe midpim u amöm, yad aigegö rö midpin u kalöp hag

<sup>u</sup> 3:19 Ep 5:25   <sup>v</sup> 3:20 Ep 6:1   <sup>w</sup> 3:21 Ep 6:4   <sup>x</sup> 3:22 Ep 6:5-8   <sup>y</sup> 3:25 Ro 2:11

<sup>z</sup> 4:1 Ep 6:9   <sup>a</sup> 4:2 Ep 6:18; Plp 4:6   <sup>b</sup> 4:3 Ro 15:30; Ep 6:19   <sup>c</sup> 4:5 Ep 5:15-16

<sup>d</sup> 4:6 Ep 4:29; 1Pi 3:15

ñö niñmim miñ miñ gímim a gem yunabin.<sup>e</sup> <sup>9</sup>Pen mam midmagö hon Onesimas, bi kalpe ke u, Dijikas aip ninabil. Onesimas nipe u rö nöp, yad Bi Kub nip wög klö gipin rö, u rö nöp göp. Ammil, nan niñhön niñhön gai i gab u magöñhalö kalöp hag ñi aij gínabil.<sup>f</sup>

### Pol manö hag naböñ jua

<sup>10</sup>Bi Arisdakas, yad aip nagi midpul u abe, bi hon Mak abe kalöp, “Midpim?” a gipil. Mak me, bi hon Banabas nimdañ nipe u. Bi anibu nöp nöd manö yuem hagnö, “Nip yagol u amjakö ud aij gim,” a gínö.<sup>g</sup> <sup>11</sup>Bi hon Jisas, hib nipe ap Jasdas a gipal u, u rö nöp kalöp, “Midpim?” a göp. Bi Juda mihau niñgaj anib gau me yad aip wög gipun. Juda rimnap yip gasi ap ap niñöm jim ñöl wög gagpun; kale yam nöp yad aip God nibi bi udöm abad mideinab manö aij u hag ñibun.

<sup>12</sup>Bi kale Epapras, Krais Jisas nip wög göp u, kalöp, “Midpim?” a göp. Nipe pör pör klö göm kalöp God nip sabe göm hagöp, “Kale gasi rimnap niñagöm, Krais manö aij u niñ ud pidöñ göm, nip cig aij göm, hagnabön rö nöp gilö arnim,” a göp.<sup>h</sup> <sup>13</sup>Amgö yad ke niñgem kalöp hagabin, nipe klö göm kalöp wög göm, Leodisia nibi bi kalip wög göm, Hirapolis nibi bi kalip wög göm göp.

<sup>14</sup>Pen bi aij hon, wös wameb bi Luk abe, Demas abe kalöp, “Midpim?” a gipil. <sup>15</sup>Añ mam daun kub Leodisia gau, nibi bi apöm nibi Nimpa ram God nip sabe gipal gau magöñhalö, “Pol kalöp, ‘Midpim?’ a göp,” a gímim.

<sup>16</sup>Kalöp köp yuabin i niñmim, ñibe arö, Krais nibi bi Leodisia midpal gau u rö nöp niñöl. Pen Leodisia nibi bi kalip köp yubin u, kale u rö nöp udmim niñmim.

<sup>17</sup>Pen Akipas nip hagemim, “Bi Kub wög nöp hag la u gi udmön,” a gímim.<sup>i</sup>

<sup>18</sup>Yad Pol, miñi ñimagö yad u ke, manö adin magö i kali kñiñ rikabin. Yip sen udöm nagi pidöñ libal u, yip hauñ gagmim. God kalöp mög niñöm ud aij gö, mid aij gímim.<sup>j</sup>

<sup>e</sup> 4:7-8 Ep 6:21-22    <sup>f</sup> 4:9 Plm 10-12    <sup>g</sup> 4:10 Ap 12:12; 15:37-39; 13:13    <sup>h</sup> 4:12-14 Kol 1:7; 2Di 4:10-11; Plm 23-24    <sup>i</sup> 4:17 Plm 2    <sup>j</sup> 4:18 1Ko 16:21